

Ph



59355



Mag. St. Dr.

thias Paulus:

Gomulicki Danielis Themi: Agonium philoso-
phicum tenor inter Stagyrtae colles, biennio
celebratum seu Conclusiones ex universa
Aristotelis philosophia speculativa.

Complément de l'ouvrage de l'auteur

Conclusions et remarques de l'auteur
plus particulièrement de l'auteur D. Thomas
Aguinas commentateur

✠
In Nomine Domini, Amen.

AGONIUM PHILOSOPHICVM,

Ternos inter Stagyrityæ colles, biennio
CELEBRATUM.

S E U

CONCLUSIONES,

E X

UNIVERSA ARISTOTELIS PHILOSOPHIA
SPECULATIVA,

Ad mentem Divi THOMÆ

Doctoris Angelici

CONCINNATÆ;

& A

M. DANIELE THOMA

GOMVŁCZYNSKI,

Philosophiæ Doctore, & Professore, Collega

Minore, PRÆPOSITO Cromoloviensi, Cursus

Vladislaviano-Philosophici Professore.

Obiectis satisfaciente

MATHIA PAULO CELEIOWIC,

Artium & Philosophiæ, in Alma Universitate

Cracoviensi Baccalaureo,

Publicæ Disputationi

PROPOSITÆ.

Anno ab Agonio CHRISTI in humana natura 1692.

Die 2. Mensis Februarij, Horis pomeridianis.

GRACOVIAE, TYPIS UNIVERSITATIS.

999

In Gentilitium Insigne,
Perillustris & Admodum Rñdi Dñi.



59355^m

Dirigit ad Cælos HASTAS PACZANOVSCIA Virtus,
Pro spolio, Divûm Cælica dona ferens.
Numina jam sistunt clades, jam pace coronant
Terras, tertia dum desuper HASTA volat.



Perillustri & Admodum Rñdo Dño,

D. ANDREÆ

DE PACZANOW

PACZANOWSKI,

Præposito Paczanoviensi, &c.

Domino, D. & Patrono Observandissimo.



*V*ccrescentibus palmis & in summum redeunte viridi lauru pro qua hactenus ad porticum Stagyriticam biennio excubabam, dum iam pro illa gloriosius decertandum venit, non extra gratiæ Tuæ metas versor, quando vectigalem Nomini Tuo decursum celebro, PER

ILLVSTRIS & ADMODUM REVERENDE DOMINE. Ducit me ad id non vulgaris cuiusdam tinnitus laudis, sed immensa quædam æternæ gloriæ portio, non mea debita tenuitati, ast Tuo tributaria insigni, quam ita comparas mihi, ut Tibi integram relinquas. Et certè circumstat illud undiq; excelsa quædam & pene Divina laudis maiestas, amplitudine sua, non exæquans tantum Orbem Polonum, sed etiam superans, ut nihil illi sit gloriosius, quàm pulcherrima Magni Tui Sanguinis decora venerari. Quippe ita illum ingenti quodam meritorum obligaverunt argumento, ut præmia non nisi cogitauerit, nec inuenerit alia, quàm immortalitatis consortem memoriam. Equidem, quid non effecit heroica PACZANOVSCIORVM dexteritas, non Nemaïs sed Leonibus formidanda Sueticis, Draconi feralis Moschoutico, bicornis Thraciæ Turciæq; Dea ecclypsis, dum, quicquid virtutis & æternæ gloriæ alieni Soles Patrio tribuunt nomini, illa omnia in unicum collecta compendium, & emori prohibebat, & in vigore proprio conseruabat. At omnem hac superant calamum, quæ cum Avitis tantæ Prosapiae ceris, uti seculorum antecedentium pignora, tenne relinquit eloquium, imbecillitati suæ atq; illorum parcendo magnitudini. Tu pro omnibus mihi sufficis PERILLVSTRIS & ADMODVM REVERENDE DOMINE, in quo virtutis Antecessorum arcano quodam naturæ penicillo elaboratæ imagines, non minus cernuntur, quàm Philippi in Alexandro suo. Decurrebant Illustres Antecessores Tui cum Gentilitijs Sarissis honorum Olympia, vero in Patriam amore cursûs Duce optimo & Comite; quid Tu

Tu non efficisti? dum ante prae-textam Tuam exotico sub sole Patrium ampliabas nomen, cuncta Illustris indolis specimina, pro decore illius eximio explicando. Tendebant per debitam in Principes suos venerationem fidemq; ; Tu eam sic in Te exprimis gloriose, ut SERENISSIMI olim & INVICTISSIMI PRINCIPIS IOANNIS CASIMIRI cor Augustum in singularem erga Te deduxeris affectum, ita quidem operatus, ut, ubi Victor dominabatur Gradivus, Tu pacificis magna Tuae mentis dotibus triumphares. His decurrendo passibus, industria & celsissimi opus iudicii perfecisti, dum ad metam calo vicinam, quia spiritualis vitae honore eminentem, integerrimi pectoris Tui, & praeclae mentis gloriam convertisti. Non frustra profecto Gentilitia Tua Sarissa calum intuentur, cuius ministerio fungi sunt paratissima; non frustra Tibi calitis tertia Hasta venit, quae cor Tuum ad Dei amorem dulcissimo vulnere sauciauit. Heros fieri voluisti, sed in castris Diuinis, pugnare & vincere elegisti, sed zelo Ecclesiastico, & innocentia vitae. Nec maiora poterant esse Sarissarum Tuarum trophaea, quam, quae in Altaribus Ecclesia Dei speciosissima fulgent. Loquetur posteritas, loquentur secula hanc in Te immortalitatis materiem, non saeculis, non temporibus digne satis praedicandam, Qui, quicquid ANTECESSORES comparauerant recordationis, id omne recondis; adauges magnitudine animi Tui, beneficentia in decorem domus Domini, prodiga manu in egenorum necessitatem, atq; summa illa indole Tua, qua honores Ecclesiasticos cum amplissimos merearis, modestissimo de Te sensu, Deo manus coniunctus esse, quam in celsitudine honorum, mentibus & oculis humanis velle placere. Ad hanc humanissima gratiae Tuae, & eminentis gloriae magnitudinem, mea quoq; accurrit Pallas Stagyrutica, cursu biennali Philosophico perfuncta; ut, si quid in hoc Agonio victricium palmarum consecuta fuerit, Tuum sit, quia Perillustri Nomine Tuo insignitum. Ego quidem certare in hisce Olympijs contendo, sed Tuum est dispensare coronas, & immortales sortiri triumphos; cui tota est, quem in sacris manibus ad Diuina Altaria gestas, victoria & corona Deus. Ab hoc Tibi cum Nestoreos annos & celsissima omnia precor, Agonium istud Magno Nomini Tuo submitto; cui satis erit praesidij, satis gloria; si Illustribus Sarissis Tuis gloriose muniatur. Hoc votum meum est, quod cedris perennibus inscribo.

*Perillustri & Admodum Reuerendae
Dominationis Vestrae,*

Humillimus Client & Servus,

MATHIAS PAVLVS CELSIOWIC.

✠

IN NOMINE DOMINI, AMEN.

CONCLUSIONES

EX UNIVERSA PHILOSOPHIA SPECULATIVA:

Ex Disputatione Præliminari.

Datur in rerum natura Philosophia existens in intellectu subiectiuè, necessaria homini: definitur rectè dum dicitur, quòd sit cognitio rerum ut sunt: quæ ratione finis adæquatè diuiditur, in Theoricam & Practicam: ratione Obiecti in Rationalem, Naturalem & Moralem: ex quibus enumeratis ordine doctrinæ, prior est Rationalis Naturali & Morali; non tamen ordine dignitatis.

CONCLUSIONES LOGICÆ.

I.

In rerum natura necessariò existit Logica Artificialis: diuiditurq; in docentem & utentem: non tamen in distinctos realiter habitus. Docens quoad omnes suas partes est vera & una scientia, illaq; simpliciter speculatiua. Hæc est simpliciter, necessaria homini in statu perfectò, etiam ab intrinseco ratione Formæ, tanquam terminus naturalis inclinationis; non solum ad acquirendas scientias, sed etiam, conseruandas. Obiectum eius formale & adæquatum est Ens rationis, directiuum trium operationum mentis.

II.

Verè Ens rationis Logicum datur, cuius totum esse, est tantum esse obiectiuè in intellectu. Estq; formabile à solo intellectu humano, per omnes tres mentis operationes: non est quidem cognoscibile per speciem impressam & propriam, bene tamen per alienam, scilicet per speciem Entis realis.

III.

Vniuersalia Materialiter sumpta dantur à parte rei; non tamen separata realiter à singularibus, neq; existentia extra singularia: vnde rectè dicitur Vniuersale esse id, quod aptum natum est inesse multis, & prædicari de multis. A parte rei in natura creata nulla datur unitas formalis communis pluribus positiuè; sed tantum negatiuè; in quantum negatiuè sumitur pro eo, quod alicui non repugnat: ac ideo unitas formalis non distinguitur realiter ab unitate Numerica.

IV.

Simplex comparatio intellectus possibilis, facit vniuersale formale, non verò datur à parte rei. Huius vniuersalis propria passio est prædicabilitas: diuiditur adæquatè in quinq; Prædicabilia, scilicet. Genus, Speciem, Differentiam, Proprium, & Accidens.

V.

Taliter Genus rectè definitur à Porphyrio, cum dicitur esse id: quod prædicatur de pluribus specie differentibus in eo, quod quid est: definitum eius est intentio secunda in concreto; vt connotat Naturam. Hæc Natura Generica prædicatur in recto de specie vt totum quoddam potentiale.

VI.

Habet hoc Natura specifica, quæ prædicatur de pluribus numero differentibus in eo, quod quid est, quòd sumpta vt totum potentiale, possit saluari in vnico Indiuiduo; & non Natura Generica in vnica specie: quæ vt subijcibilis non est Vniuersalis formaliter, consequenter nec Prædicabilis: è contra illa species cui vnum correspondet Indiuiduum, qualis est Natura Angelica, vt à nobis pro hoc statu conipitur, est Vniuersalis & Prædicabilis.

A

VII.

VII.

OMnino datur Indiuiduum vagum, medium inter Naturam Vniuersalem & Particularem, præter Indiuiduum Determinatum; quod a Porphyrio primo intentionaliter definitur per collectionem proprietatum; secundo verò intentionaliter per prædicabilitatem de vno solo.

VIII.

Maximè propria differentia constituit tertium Prædicabile: eius definitio inter alias potior est quæ datur per prædicari de pluribus, & differentibus specie in quale quid; competitq; differentijs tam subalternis, quàm atomis: quæ Differentia in ratione tertij Prædicabilis constituitur per respectum ad Indiuidua speciei.

IX.

ANalogicè quidem, sufficienter tamen, Proprium, diuiditur per quatuor acceptiones; quarum vltima, hoc constituit Prædicabile, quod in esse Vniuersalis talis constituitur per ordinem ad Indiuidua illius speciei à qua dimanat: Sicut Accidens in esse Vniuersalis, constituitur etiam per ordinem ad subiecta: quæ accidentaliter denominat, non verò per ordinem ad propria inferiora.

X.

Sufficienter sunt assignatæ definitiones Æquiocorum, Vniuocorum & Denominatiuorum: præter Æquioca tamen & Vniuoca, dantur distincta ab illis Analogia: quæ Logice sumpta, alia sunt Attributionis, alia Proportionalitatis. Diuisiones etiam Vocum & Rerum conueuienter assignantur à Philosopho, cum duabus Regulis.

XI.

Dum dicitur, quod Prædicamentum sit coordinatio plurium Prædicabilium, in qua superiora de inferioribus quidditatiuè prædicantur; adæquatè explicatur natura Prædicamenti: hæc diuiditur in decem summa Genera: inter quæ intercedit distinctio realis.

XII.

Optimè substantia, cuius ratio formalis constitutiva, est esse per se; diuiditur in Primam & secundam: eiusq; sex assignantur proprietates; & quamuis directè ponatur hic Christus vt homo; tum & alia corpora Cœlestia & Intelligentiæ seu Angeli; non tamen DEUS gloriosus.

XIII.

Constat Quantitatem realiter distingui à substantia, non tamen substantiam ablatâ Quantitate habere aliquas partes integrales: essentia eius est extensio partium, in seipsis: Diuisio in Continuum & Discretam, est Generis in species subalternas.

XIV.

Tam secundum conceptum communem In, quàm secundum specialem Ad, omnes Relationes creatæ; quarum totum esse, est ad aliud se habere; vt sunt Prædicamentales, ita & reales; ad has Relationes quatuor conditiones requiruntur: subiectum reale realiter existens, Ratio fundandi realis, Terminus realiter existens, & distinctio realis fundamenti à termino. Relatio Prædicamentalis licet distinguitur realiter à fundamento, tam proximo, quàm remoto, vnitatem tamen & distinctionem specificam sumit tam à fundamento, quàm a termino: Mutuæ etiam quamuis formaliter terminentur ad aliquid relatiuum; non tamen non mutuæ, nisi extrinsecè & terminatiuè.

XV.

Omnis Qualitas est id, secundum quam dicimur quales: ratio eius formalis est dispositio seu modificatio substantiæ sine addito: Diuisio in quatuor species sc. in Habitum & Dispositionem, Naturalem potentiam & Impotentiam, Passionem Patibilem Qualitatem, Formam & Figuram.

XVI.

Reliqua sex Prædicamenta sunt Formæ absolutæ resultantes in rebus, cum essentiali dependentia ab aliquo extrinsecò: non consistunt in denominatione purè extrinsecâ, sed sunt Accidentia, seu modi resultantes in rebus ex dependentia ab aliquo extrinsecò, habentes rationes formales distinctas, constituentes distincta summa Genera.

XVII.

XVII.

Aristoteles conuenienter & sufficienter tradidit doctrinā Postprædicamentorum tam in genere, quā in specie, quoad modos singulorum sc. Oppositionis, Prioris, simul, Motus & Habere: quorum cognitio, confert ad cognitionem sufficientem Prædicamentorum à posteriori.

XVIII.

Non potest dici quod non sit recta definitio Propositionis, cum dicitur. Est oratio verum vel falsum significans: cuius etiam diuisio in Affirmantem & Negantem est recta & vniuoca. Propositio mente formata est simplex Qualitas, id est vnius conceptus repræsentans Vnionem Prædicati cum subiecto. Propositionum singularium de futuro contingenti neutra est determinatè vera aut falsa ante decretum DEI.

XIX.

Genuinè si accipiaturs Discursus, ratio eius formalis omnino requirit pluralitatem cognitionum: Unde, pro formali dicitur motum intellectus de vna cognitione in aliam: diuiditurq; in Consequentiam strictè sumptam & Argumentationem: Argumentatio in Conditionalem, Causalem & Rationalem: Rationalis in syllogismum, Enthymema, Inductionem & Exemplum: hæc tamen vltima diuisio est Analogia.

XX.

Est recta definitio syllogismi hæc. Est oratio in qua quibusdam positis, aliud quidpiam diuersum ab his quæ posita sunt, necessariò accidit, eò quod hæc sunt. Principia eius alia sunt Constitutiuia idq; vel Materialia, ut Termini, Propositiones; vel Formalia vt Modus & Figura: alia Regulatiua.

XXI.

Licet omnis cognitio intellectiua discursiua, fiat ex præexistenti cognitione: nõ tamen cognitio Angelorum, Principiorum primorum, aut Habitùs infusi, sit ex ea.

XXII.

In Syllogismo assensus Conclusionis, fit ex assensu Præmissarum: & hic assensus necessitat intellectum nostrum ad assensum Conclusionis; tam quo ad specificationem, quā quo ad exercitium: vbi Conclusio semper sequitur debiliorem partem.

XXIII.

Cum Demonstratio sit syllogismus procedens ex veris, immediatis, prioribus, notitioribus & Causis Conclusionis: Præmissæ eius debent constare Prædicato de omni per se & vniuersali: non tamen expedit absolute loquendo, vt omnes sint de Prædicato vniuersali, sufficit saltim vnalis: est tamen necessarium vt præmissæ sint certiores quam Conclusio. Diuisio Demonstrationis in Quia & Propter, quid est adæquata, sed Analogia.

XXIV.

Verè scientia propriè sumpta, est cognitio rei per causam, per quam res est, nec se potest habere aliter: vnde de singularibus, contingentibus, & per accidens non datur scientia. Est simplex Qualitas: Vnitas eius & distinctio generica in esse, scibilis, sumitur à ratione formali sub qua: specifica vero ex vnitatem vel distinctione specifica principiorum intra idem genus scibilis. Estq; alia subalternans, alia subalternata: non tamen subalternatio destruit in subalternata rationem veræ scientiæ.

XXV.

Syllogismum Topicum & Sophisticum constat dari; cum utriusq; definitiones, Species, Causas omnes & Locos sufficienter explicauerit Aristoteles.

CONCLUSIONES PHYSICÆ.

I.

Quoniam Physica verè & propriè est scientia; ideo Obiectum eius formale & adæquatum est Ens mobile radicaliter sumptum: estq; vnius speciei atomæ secundum omnes suas partes: in qua tradenda procedendum est à magis vniuersalibus ad minus Vniuersalia; id est, à Causis, Principijs, Elementis.

II.

Verè dicuntur Principia, quæ neq; sunt ex alijs, neq; ex alterutris, sed omnia fiunt ex ipsis. In fieri sunt tria sc. Materia, Forma, & Priuatio, dicunturq; prima contraria: in facto esse tantum sunt duo. sc. Materia & Forma.

A 2

III. Im.

III.

Impossibile est non dari Materiam primam, quæ etsi non inueniatur separata à Forma; est tamen entitas realiter distincta ab illa. Definitur, quod sit subiectum primum vniuscuiusq; rei ex quo aliquid fit, cum insit per se, & non secundum accidens, etsi corrumpitur, in hoc abibit vltimum. Ita est pura potentia, vt nullum includat in se actum, etiam entitatum: nec per absolutam Dei potentiam existere potest sine Forma; sed solum existit per existentiam totius compositi, quam recipit mediante Formâ: & quamuis appetat Formas substantiales, est tamen vna vnitatem specificâ & numericâ negatiue, in omnibus sublunaribus.

IV.

Dantur Formæ substantiales, quas nos concedimus esse actus primos substantiales Materix, vnum per se cum illa constituentes: concedimusq; omnes sublunares generabiles, educi de potentia Materix; ita tamen vt tantum potentia præfuerint in illa: negamus verò plures formas, etiam per absolutam Dei potentiam, vnâ eandemq; Materiam posse informare: sicut & vnâ formam plures numero Materias: omnes tamen exceptâ animâ rationali, sunt generabiles & corruptibiles.

V.

Quod Priuatio sit carentia seu negatio Formæ in subiecto apto nato habere illam; & quod sit principium rerum naturalium in fieri; distinctumq; realiter à Materia & Forma, constat omnibus.

VI.

VT Compositum Naturale essentialiter componitur ex Materia & Forma, tanquâ suis partibus constituentibus; ita non distinguitur realiter ab illis simul sumptis & vnitatis. Nec datur aliquis modus vnionis substantialis distinctus inter Materiam & Formam, sed præcisè & immediatè seipsis vniuntur.

VII.

IN dubium vocare minime expedit, Naturam esse principium & causam motus & quietis, in quo est primò & per se, & non secundum accidens: quod nomen Naturæ competit Materix & Formæ, & ipsi Animæ rationali, non tamen Angelis: quâ Naturam concedimus essentialiter realiter distingui ab arte; negamus verò Artem posse efficere opera Naturæ per verum influxum; concurrere tamen ad id aliquialiter applicando actiua passiu.

VIII.

Dicitur Causa id, ad cuius esse per realem Physicum influxum, sequitur aliud esse specie vel numero distinctum: diuiditur verò in Materialem, Formalem, Efficientem & Finale: & quamuis omnis Causa in actu considerata, sit prior suo effectu, prioritate naturæ: non tamen omnis Causa est perfectior & nobilior suo effectu: distinguiturq; omnis realiter à suo effectu.

IX.

Sicut Materix, realis & adæquata Causalitas est recipere Formam & constituere Compositum; ita Formæ Causalitas est dare esse Materix & efficere Compositum: Vtriusq; effectus intrinsecè consideratus, secundum totum esse quod dicit, realiter entitatiue distinguitur ab vna quaq; illarum distinctione includentis & inclusi: consideratus verò secundum illud esse quod à sola Materia vel à sola forma habet, non nisi distinguitur Modaliter.

X.

Causæ Efficientis, quæ est principium per se extrinsecum, à quo primò incipit motus; Causalitas in actu primo radicali est ipsa Forma substantialis; in actu proximo sunt accidentia; in actu secundo est actio, vt egreditur ab agente, per ordinem ad effectum, vt ad terminum. Effectus eius in suo esse non tantum dependet à Causa secunda, sed etiam & à prima: ita vt Prima Causa, concurrat cum Causis secundis, concursu simultaneo immediatè ad agendum; & insuper eas physice præmoueat ad agendum, sine læsione libertatis nostræ.

XI.

Rectè dicitur Causa Instrumentalis illa, quæ per virtutem receptam à Causa principali operatur effectum nobiliorem se: de ratione eius est, vt habeat propriam virtutem & actionem præuiam actioni principalis agentis: hæc autem præuia actio instrumenti, ideo necessaria, est vt in illa actio principalis agentis, modificetur.

XII.

XII. **I**n his, quæ raro contingunt ex electione, Fortuna est Causa efficiens per accidens: quæ sine electione contingunt, Casus, est Causa efficiens per accidens: sed præter Fortunam & Casum datur in rerum Natura Fatum; intelligendo per illud præordinationem Causarum secundarum, ad certos & determinatos effectus, ab æternitate Dei prouidentia, factam.

XIII. **P**ropter finem cum Natura agat, ideo concedendum est dari Causam Finale. Physicam realem, cuius gratiâ aliquid fit: Cuius ratio formalis constitutiva in actu primo, est sola bonitas; apprehensio verò bonitatis, est conditio & applicatio requisita ad finalizandum; in actu verò secundo ipsa initiatiuè motio, seu excitatio voluntatis, sine impressione alicuius realis: completiue est actus voluntatis seu amor ut pendens ab appetibili.

XIV. **S**umptæ simul duæ Causæ totales eiusdem generis & ordinis, ut producant eundem effectum numero, impossibile est: Non implicat tamen contradictionem, dari à plures Causas instrumentales totales, & adæquatas, vnius & eiusdem effectus: implicat verò eundem numero effectum, qui productus est ab ista Causa, potuisse produci ab alia.

XV. **I**n definitione motus rectè dicitur, quòd sit actus entis in potentia, secundum quod in potentia: quæ definitio conuenit, tam mutationibus successiuis, quàm instantaneis, idq; solum illis, quæ sunt actus perfecti. Omnis motus subiectatur in mobili; actio verò transcendentalis in passio. Ad tria tantum prædicamenta, scilicet ad Quantitatem, Qualitatem, & ubi, terminatur motus: cuius vnitas specifica sumitur a termino ad Quem: Generica ex virtute Prædicamenti ad quod terminatur: Numerica ab vnitate mobilis, termini ad Quem, & vnitate seu continuitate in temporis non interrupta.

XVI. **T**am naturaliter, quàm supernaturaliter, nullum potest dari infinitum in actu in creatis; esto detur in potentia secundum magnitudinem, multitudinem, extensionem; imò aliquàlter secundum essentiam. Corpora Viuentia, & non Viuentia, habent terminum intrinsecum suæ magnitudinis & paruitatis.

XVII. **B**enè in eodem Loco, qui est vltima superficies corporis continentis immobilis prima; duo corpora esse simul & semel possunt supernaturaliter: repugnat tamen ut vnum idemq; sit simul in duobus locis adæquatis circumscriptiue. Si daretur Vacuum, saltem virtute Diuinâ, posset moueri in illo corpus motu successiuo.

XVIII. **E**xistere tempus, quod est Ens verum, reale, & mensura seu numerus motus, secundum prius & posterius, ratione alicuius partis, implicat; sed solum existit, ratione instantis, quod est Nunc. Unde substantiæ generabiles & corruptibiles, sumptæ secundum suum esse existientiale, quatenus in se continent quantitatem durationis, mensurantur tempore; non verò secundum suum esse essentiale, præscindendo ab existentia. Res successiue incipiunt & desinunt extrinsecè, indiuisibilia, tamen illatum intrinsecè. Permanentes verò quantum est de se & connaturaliter incipiunt intrinsecè & desinunt extrinsecè.

XIX. **N**on ex solis indiuisibilibus constat Continuum, sed ex partibus per indiuisibilia vnitis: in quo dantur indiuisibilia, tam terminatiua, quàm continuatiua, illaq; realia; quæ non sunt actu infinita, sed tantum potentiâ: in eodem sunt partes realiter distinctæ, non tamen actu infinitæ.

XX. **E**tiam si constet, omne quod mouetur, ab alio moueri: vnde Corpora grauiora & leuiora mouentur à motore extrinseco, proiecta verò primariò & principaliter à projiciente, secundariò & instrumentaliter ab impulsu; non tamen in mouentibus & motis subordinatis, datur processus in infinitum; sed deueniendum est ad

primum primum Motorem : qui omnia moueat, ipse sit omnino immobilis, actus purus, æternus, simplicissimus, infinite perfectus, ubiq; præsens, perfectissime intelligens & volens, summè beatus se ipso.

XXI.

SI Mundus de facto fuisset conditus ab æterno, non esset in tempore creatus à Deo liberè ex nihilo; idque ad vernum æquinoctiū 25. Martij, die Dominico: potuit tamen esse ab æterno, quò ad entia permanentia saltem : & quamuis plures sint possibiles & perfectiores supernaturaliter, vnicus tamen esset perfectus in suo genere.

XXII.

Cælum neq; est Elementum, neq; compositum ex illis, sed distinctæ naturæ ab illis; compositum tamē ex Materia & Forma: non tamen Materia eius est eiusdem rationis, cum Materia sublunarium: non est animatum, est tamen solidum: nulli corruptioni obnoxium ab intrinseco.

XXIII.

Rectè vndecem Cæli assignantur Mobiles: .s. Lunæ, Mercurij, Veneris, Solis, Martis, Iouis, Saturni, octauum Firmamentum, nonum Sphæra, quæ librationem absoluit ab ortu ad occasum, decimum sphæra, quæ libratione rapitur ab aquilone ad austrum, vndecimum primum Mobile, quod mouetur ab ortu in occasum. intra 24. horas, Duodecimum Immobile: omnes sunt sphærici & continui; excepto Immobili: & licet habeant aliquid natiui luminis; maximam tamen partem luminis mutuuntur à Sole.

XXIV.

Intelligentia assistens Cælis, mouet illos motu circulari naturali, præter Empyreum: qui motus Naturalis conuenit illis ex parte principij passiuī, non verò actiui; nisi secundum quid influunt in hæc inferiora per lumen, calorem, motum, & qualitates occultas; non tamen in intellectum & voluntatem, nisi indirectè & per accidens: nec necessitant suo influxu. Cessante motu Cælorum cessant omnes motus, omnesq; actiones horum inferiorum,

XXV.

Pro productione, tam viuientium, quam non viuientium, sumpta Generatio, essentialiter dicitur esse mutatio totius in totum, nullo sensibili manente: sumpta autem pro sola generatione viuientium, dicitur esse origo seu processio viuētis a Viuente coniuncto in similitudinem naturæ specificæ. Terminus eius Qui & vltimus, est ipsum compositum existens & subsistens per se: subiectum immediatum est ipsa materia prima.

XXVI.

Substantialis Corruptio, quæ est transitus materiæ ab esse Formæ ad non esse illius in ipsa Materia; licet nullo modo per se sit intenta à natura particulari; est tamē intenta à natura vniuersali secundo: Terminus eius Qui, est non esse compositi præexistentis: Terminus formalis Quo Totalis, est non esse totalis naturæ illius; Partialis verò est non esse Formæ in Materia. In Corruptione substantiali fit resolutio vsque ad Materiam primam.

XXVII.

In Alteratione, quæ est motus continuus per se terminatus ad solam Qualitatem tertie speciei, hoc est maximum: quod diuidatur in Alterationem specialiter dictam, Intensionem & Remissionem. Intensio fit per additionem modi maioris radicationis in subiecto; sicut è contra Remissio.

XXVIII.

Tam in ratione actionis, quam mutationis, datur vera Nutritio & Augmentatio; quarum vtraq; in solis viuētib; reperitur; sunt tamen inter se realiter distinctæ: Et licet vtriq; competat mutatio continua & successiua; non tamen vtraque toto tempore durat; Augmentatio enim solum ad complementum adolescentiæ: manet tamen viuens idem numero, toto tempore vitæ.

XXIX.

VT Rarefactio non terminatur ad maiorem Quantitatem, ita nec Condensatio ad minorem, nec ad maius vel minus Vbi, seu præsentiam localem; sed per se terminantur ad Qualitates.

XXX.

Omnino agens non potest agere in passum sibi simile, sed simile tantum in Qualitate, dissimile verò in gradu: unde idem non potest agere in seipsum, nisi inter agens & passum intercedat aliqua distinctio vel formalis, vel virtualis. Omne tamen agens⁹ Physicum, seruatis conditionibus debitis reparitur in agendo.

XXXI.

Constat Mixtionem, quæ est miscibilium alteratorum vnio, possibilem esse naturaliter, tam ex quatuor Elementis, quàm ex quibuscunq, miscibilibus, etiam ex liquoribus eiusdem speciei, modò habeant Qualitates contrarias, aut dissimiles. Formæ tamen Elementorum non manent in mixto, sed Qualitates illorum, ad mediocritatem redactæ: nec possibile est in mixtis naturaliter temperamentum æquale ad pondus.

XXXII.

Corpus simplex est Elementum, in quod alia corpora diuiduntur; intus existens potentia aut actu, ipsum autem est indiuisibile in diuersa specie. Elementa sunt quatuor .f. Ignis, Aer, Aqua & Terra, quæ stat immobilis in centro mundi: Elementa in propriis locis neq; grauitant, neque leuant: motus tamen grauium & leuium naturalis, in fine est velocior.

XXXIII.

Hoc habet singulare res permanens, quòd semel extincta possit supernaturaliter reproduci eadem numero: res vero successiua semel annihilata, nullo modo reproduci potest.

XXXIV.

Remota Materia Meteororum est terra vel aqua: proxima vapor & exhalatio. Locus Meteororum est Aer, Aqua & Terra; maxime tamen aer. Causa efficiens maximè & per se, est virtus solis & astrorum; per accidens verò antiperistasis. Hæc sunt alia, ignea, alia aërea, alia aquea, & alia terrea. Meteororum igneorum sunt Cometæ, qui verè naturaliter præfagire possunt, & vt defacto præfagiunt.

XXXV.

In prima definitione Animæ ponitur, quòd sit: Actus primus corporis Physici, Organici, potentia vitam habentis: & hæc est verè essentialis. In secunda ponitur quòd sit: Anima id, quo viuimus, sentimus, mouemur, & intelligimus; & hæc est etiam bona; non tamen essentialis.

XXXVI.

Suo modo diuisio Animæ in vegetatiuam, sensitiuam, & Intellectiuam, est vniuoca: in quouis tamen viuente vna sufficit anima: vbi perfectior formaliter eminenter, continet imperfectiores. Anima rationalis & perfectiorum animæ animalium sunt indiuisibiles; secus imperfectorum & plantarum.

XXXVII.

Tantum sunt quinque genera potentiarum animæ: .f. Vegetatiuum, Appetitiuum, Sensitiuum, Intellectiuum, & Locomotiuum; distincta realiter ab anima. Vnitatem & distinctionem suam specificam sumunt ab actibus & obiectis formalibus immediatè.

XXXVIII.

In genere, potentia Animæ vegetatiuæ sunt tantum tres .f. Nutritiua, Augmentatiua, & Generatiua: omnes vt inter se distinguuntur realiter, ita à calore Naturali, & temperamento primarum Qualitatum, distinguuntur realiter.

XXXIX.

Communiter sensus, qui est potentia partim passiuæ, partim Actiuæ; diuiditur in quinque sensus externos: sc: Visum, Auditum, Odoratum, Gustum, & Tactum: item in quatuor sensus internos: sc: in sensum communem, Phantasiam seu Imaginatiuam, Estimatiuam seu cogitatiuam, & Memoriam: & isti sunt omnes inter se distincti. Sensibile externum diuiditur: in Commune, Proprium, & per Accidens: vbi circa proprium sensibile, non potest decipi per se sensus, sed per accidens: circa sensibile commune,

potest decipi utroq; modo: Sensibile positum supra sensum immediatè, impedit sensationem: vehemens verò lædit sensum.

XL.

Rectè asseritur, potentiam visuam subiectari tam in pupilla seu humore crySTALLINO, quàm in nervis opticis seu visorijs; in illo, tanquam in organo extrinseco, in his, tanquam in organo intrinseco & magis principali. Obiectum eius adequatum est coloratum lucidum. Ad hoc verò ut videatur color, non requiritur lumen ex parte ipsius; sed ex parte medij: unde etiam visio fit per receptionem speciei sensibilis.

XLI.

Ut àér innatus est organum potentiae auditivæ, ita & nervi auditorii descendentes à cerebro. Obiectum eius sonus; Medium àér; quamvis etiam possit esse aliud corpus subtile & facilè commouibile.

XLII.

Certum est organum odoratus esse processus mamillares, ut uniuntur ab illis nervis, ex quibus pendent. Obiectum est odor diffusus ab odorabili realiter ad certam distantiam: Medium est àér & aqua.

XLIII.

Ipsa caro linguæ non est organum gustus, sed nervus aliquis à cerebro descendens sub carne per totam linguam ramificatus. Obiectum est ipse vapor: Medium caro illa seu pars animalis, quæ nervulus gustatorius regitur. Sensus Tactus differt à gustu. Organo: quod est nervus quidam sub carne, per totum corpus diffusus per modum retis: Obiecto: quod est ipsum tangibile. Medio: quod est caro animalis sentientis condistincta à nervo.

XLIV.

Fidei inhærendo & Sanctorum Patrum doctrinæ, Anima Rationalis est purè Spiritualis, omnino incorruptibilis & immortalis: per creationem à DEO immediatè producibilis; est tamen una alterà perfectior individualiter.

XLV.

Intellectus tam agens quàm possibilis, datur realis, realiter distinctus à possibili. Intellectus Agentis officium est illuminare phantasmata: Obiectum intellectus adequatum extensionis & terminatum est ens in tota latitudine; intensiois & motuum pro hoc statu est quidditas rei materialis, ut abstracta à conditionibus materialibus individuantes. Per quamlibet intellectionem creatam (excepta visione beatifica) producit verbum: quæ intellectio est tamen realiter entitativè distincta à verbo, non tamen à formatione eius.

XLVI.

Constat intellectionem non esse actionem de prædicamento Actionis siue cum motu: esse tamen veram & propriam actionem ad genus Qualitatis spectantem. Intellectus postea pro hoc statu non cognoscit singularia materialia directè; sed indirectè, & per quandam quasi reflexionem.

XLVII.

In cognoscentibus datur appetitus illeque vel sensitivus vel intellectivus. Sensitivus dividitur in Concupiscibilem & Irascibilem realiter distinctos: Intellectivus dicitur voluntas nostra, quæ est omnino libera in suis actibus; hæc licet sit intellectu perfectior, secundum quid, intellectus tamen est perfectior illà simpliciter.

CONCLUSIONES METHAPHYSICÆ.

I.

Inter scientias purè speculativas numeratur Metaphysica: quæ est una specie infimâ, diciturq; verè sapientia. Hæc considerat omnes quidditates rerum in univèrsali; imò & in particulari secundum proprias earum rationes; non tamen secundum quid scibiles sunt. Obiectum eius formale est Ens ut Ens, quidditatè abstrahendo omnimodè à materia.

II.

Nominaliter Ens sumptum, verè est transcendens respectu suorum inferiorum; non tamen Participialiter; respectu quorum est solum Analogum, vtrâque Analogiâ Attributionis & Proportionalitatis: nec habet vnum conceptum simpliciter præcisum à suis inferioribus; sed solum obiectiuum & formalem secundum quid, & imperfectè præcisum solâ ratione. Primâ diuisione rectè diuiditur in vnum & multa: passionibus habet veras & reales, non tamen realiter distinctas: Passionibus sunt: Res, vnum, Aliquid, verum, Bonum: præcipuè tamen: vnum, verum, Bonum.

III.

Quid vnum Transcendentale addat supra Ens, cur quæritur? cùm solam addat indiuidionem: Veritas conuenientiam seu conformitatem rei ad intellectum verè illam concipientem: Bonitas rationem conuenientiæ cum appetitu respectu voluntatis. Hæc tamen conformitas seu conuenientia primariò ad intellectum vel voluntatem increatam, secundariò verò ad creatam, refertur.

IV.

VT est signata quantitate Materia prima, sola est principium radicale indiuiduationis substantiæ materialis, & non Forma substantialis. Hæc signatio non sumitur, vt dicit compositum quoddam ex se ipsa & quantitate; aut modum substantialem materiam determinantem ad hanc potius quantitatem, quàm ad illâ; sed vt præhabet in radice quantitatem determinatam.

V.

Intrinsecè, licet omnia accidentia indiuiduantur ab ordine, quem ad ipsa dicunt, extrinsecè à suis subiectis: quantitas tamen secundum aliquam rationem indiuiduatur à se ipsa, & secundum alias rationes generales, à subiecto: subiecta hæc accipienda sunt formaliter, ad quod requiritur idem tempus vt conditio sine qua non. Duo Accidentia siue sint absoluta, siue relatiua, implicat solo numero distincta esse simul in eodem subiecto.

VI.

Est defacto de essentia Accidentis inhærentia; non quidem actualis, sed aptitudinalis. Hoc Accidens habet propriam existentiam, distinctam ab existentia, substantiæ.

VII.

Non sunt ab æterno aliquid reale actuale & positium extra DEUM essentiarum. In creatis suppositum realiter distinguitur à Natura, etiam in Angelis; additque aliquid supra Naturam positium realiter distinctum ab ipsa. Subsistentia etiam est realiter distincta ab Existentia. Subsistentia in toto composito est vnicâ & indiuisibilis. Existentia est perfectior Essentiâ, sine qua nec Diuinitus conservari potest Essentia: Existentiæ solus DEUS est causa principalis productiua, Creaturæ verò tantum instrumentales.

VIII.

Totaliter inter gradus Metaphysicos non datur distinctio formalis actualis ex natura rei; sed solum præcisio & distinctio obiectiua. vnde nullo modo datur distinctio formalis ex natura rei, quàm Scotus adstruit.

IX.

IN vniuerso præter substantias materiales, dantur substantiæ separatae seu Intelligentiæ; & istæ sunt formæ simplices, idque respectu compositionis Physicæ. Numerus substantiarum separatarum, licet excedat numerum specierum materialium creatarum; est tamen certus & determinatus. Istæ Intelligentiæ sc: Angeli, sunt incorporei & immateriales, a Deo creati in tempore, quo mundus conditus est, in cælo Empyreo;

C

X. Su.

Suprema Intelligētia inter alias Intelligentias datur, sc: DEUS Gloriosus, qui est vnus, Aternus, Immensus, Omnipotens, Creator omnium, Conseruator omnium, Prouisor generalis huius mundi. Cui tanquam Bonitati inexhaustæ, totum id in homagium cultus Latriæ, prostrati ante faciem eius, reddimus, dicamusque.

T H O M A,
quidquid scripsisti, bene scripsisti.

ÆNIGMATA EX CONCLUSIONIBUS.

ENS rationis est Ens Methaphysicum, Relatio non est mutuus respectus. Causa dum causat per se, non est causa per se. Possibile est nauigare in scala, impossibile in mari. Materia prima est cum forma, est sine forma. Impossibile est viuere in àere, possibile in aqua. Ens vniuocum, est Ens analogum. Homo est Ens, non est Ens.



SVB FELICISSIMIS verò AVSPICIIS,

Magnifici, Perillustris, & Admodum Rndi Domini,

D. M. FRANCISCI IOSEPHI

P R Z E W O S K I,

S. Th: Doctoris, & Professoris, Collegæ Majoris, Ecclesiarum Collegiatarum, SS. Omnium Crac: PRÆPOSITI, Scholastici Curelovienſis, ad S. FLORIANUM Canonici, Korczyſen: Curati, Librorum per Diœceſim Crac? Ordinarij Cenſoris, Canonizationis Beati IOANNIS CANTII Procuratoris, Contnbernij Hieroſolymitani Proviſoris, S. R. M. SECRETARII, Almæ Uniuerſitatis Cracoviēſis, Generalis, & Vigilantiſſimi

R E C T O R I S.



P. XXII. 31.

Biblioteka Jagiellońska



stdr0016732

